



13
1787
7



13
1787
7

事言要玄集之二

閩福唐希頴陳懋學纂

地集

地

爾雅東至於泰遠西至於邠國南至於濮鈇北至於祝栗謂之四極觚竹北戶西王母日下謂之四荒九夷八狄七戎六蠻謂之四海岨齊州以南戴日為丹穴北戴斗極為崆峒東至日所出為太平西至日所入為太蒙太平之人仁丹穴之人智太蒙之人信崆峒之人武 兩河間曰冀州河南曰豫州河西曰

雒州漢南曰荊州江南曰揚州濟河間曰兗州濟東曰徐州燕

曰幽州

說文堯遭洪水民居水中高土故名

齊曰營州

右九州

曾有大野晉有大陸秦有楊陞宋有孟諸楚有雲夢吳越之間有具區齊有海隅燕有昭余祁鄭有圃田周有焦護右十

東方之美者有醫無閭珣玞琪東南之美者有會稽竹箭南方

之美者有梁山犀象西南之美者有華山金石西方之美者有霍山多

珠玉西北之美者有崑崙虛瑯琊玕北之美者有幽都筋骨東

北之美者有斥山文皮中岱嶽與其五穀魚鹽生焉右九東

方有比目魚不比不行名爲鰈南方有比翼鳥不比不飛名謂

鷦鷯西方有比肩獸與邛邛岨虛比爲邛邛岨虛嚙甘草即有

難邛邛岨虛負而走名謂蠻北有比肩民迭食而迭望中有

枳首蛇焉此四方中國之異氣也右五

家語記孔子當時諸門人卿大夫問答子夏曰商聞山書曰地東西爲緯南北

爲經山爲積德川爲積刑高者爲生下者爲死丘陵爲牡川谷

爲牝

周語三川震伯陽甫曰陽伏而不能出陰遁而不能烝於是

有地震今三川實震是陽失其所而鎮陰也陽失而在陰川源必

塞夫水土演而民用也水土無演民乏財用不亡何待昔伊洛

竭而夏亡河竭而商亡今周德若二代之季矣

列子湯問篇吳楚之國有大木焉其名爲檮碧樹而冬生實丹

而味酸食其皮汁已憤厥之疾齊州珍之渡淮而北化而爲枳

焉鸚鵡不踰濟貉踰汶則死矣地氣然也雖然形氣異也性鈞

已無相易已生皆全已分皆足已吾何以識其巨細何以識其

修短何以識其同異哉

淮南子天有八部九紀地有九州八柱按河圖括地象云崑崙山為柱氣通上天崑崙者地之中也地下有八柱柱廣十萬里有三千六百軸互相牽制名山大川孔穴相通九州之外

有八埏東方曰少海東南方曰無澤南方曰浩澤西南方曰丹澤西方曰泉澤西北方曰海澤北方曰寒澤東北方曰大澤此八埏也太玄注九地一為沙泥二澤池三埏崖四下田五中田六上田七下山八中山九上山八埏之外有八絃東北方之絃曰荒土東方之絃曰素野東南方之

絃曰衆女南方之絃曰反戶西南方之絃曰炎土西方之絃曰沃野西北方之絃曰沙所北方之絃曰委羽凡八絃之氣是出寒暑以合八正八絃之外有八極東北方曰方土之山曰蒼門東方曰東

極之山曰開明門東南方曰波海之山曰陽門南方曰南極之山曰暑門西南方曰編駒之山曰白門西方曰西極之山曰閻

闔之門西北方曰不周之山曰幽都門北方曰北極之山曰寒門禹使大章步自東極至於西極二億三萬三千五百里七十一步使豎亥步自北極至於南極二億三萬一千五百里七十五步四海之內東西二萬八千里南北二萬六千里子午為經

卯酉為緯言經短緯長也神農皇帝剖判大宗竅領天地襲九竅重九

熱注竅通也領理也襲法也熱形也言因九天九地之形法以通理也女媧氏背方州抱圓天注方州地也文子作負方州

墨子禽子問天地孰仁墨子曰翟以地為仁太山之上則封禪焉培塿之側則生松柏下生黍苗莞蒲水生鼃鼉龜魚民衣馬

食馬家馬死馬地終不責德焉故翟以地為仁樂聲儀下元者地氣也為萬物

始生育生長蓋藏之主

楚詞曰地方九則何以墳之康回慙怒地何以西南傾注墳分

也謂九州之地凡九品禹何以能分別之康回共工也過秦論併吞八

荒注八方荒忽極遠之地

山海經洪水滔天鯀竊帝之息壤以堙洪水開筮滔滔洪水無

所止極伯鯀乃以息石息壤以填洪水息謂子也填物不耗減

掘之益多故禹用填洪水以為名

史記鄒衍曰儒者所謂中國者於天下乃八十一分居其一分

耳中國名曰赤縣神州赤縣神州內自有九州禹之序九州是

也不得為州數中國外如赤縣神州者九乃所謂九州也於是

有裨海環之人民禽獸莫能相通者如一區中者乃為一州如

此九乃有大瀛海環其外天地之際焉 二世遣使殺蒙恬

恬喟然太息曰我何罪而死乎良久曰恬罪當固死矣起臨洮

屬之遼東城墜萬餘里此其中不能無絕地脉哉

漢書惟泰元尊媪神蕃釐經紀天地作成四時師古曰媪地神

也又曰海內安寧興文偃武后土富媪昭明三光張晏曰媪老

母稱也坤為母故稱媪海內安定富媪之功耳 天道貴信

地道貴貞不信不貞萬物不生

揚子渾天賦陽動而陰靜天迴而地遊地若浮舟方如棊局又

咸管於八區注八方也思玄賦上下無常窮六區注上下四方也

反騷云正皇天之清則考度后土之方貞應劭曰平正司法者

莫過于天養物均調者莫過於地

尚書刑德做禹長於地理得括地象圖堯以為司空

世絕圖言治水之意

考靈耀地有四游冬至地上行北而西三萬里夏至地下行南

而東三萬里春秋二分是其中天地常動移而人不知譬如人

在大舟中閉牖而坐舟行不覺也

河圖括地象天有五行地有五岳天有七星地有七表天有八

氣地有八風天有九道地有九州天有四維地有四瀆

唐太宗十六年

魏王恭上括地志司馬蘇勗勸恭占之賢王皆著書故恭奏請修括地志

元命苞地者易也言養物懷仁交易變化含吐應節故其立字

土力於乙者為地

地所以右轉者氣濁精少含陰而起遲

故轉右迎天佐其道

白虎通地者元氣所生萬物之祖也地之言施也諦也應施變

化審諦不誤敬始重終故謂之地也

翼奉封事上方之情樂也下方之情哀也孟康曰上方謂北與

東也陽氣所萌生故為上下方謂南與西也陰氣所萌生故為

為下

國語文伯之母曰昔聖王之處民也擇瘠土而處之沃土之民不材淫也瘠土之民莫不勤義勞也

別錄鑿山鑽石則地痛人民多若蚕蠶蚕蠶衆多則地癢也

張子房赤霆經崑崙柱天萬脉由起西北綿亘幽寒莫詣為背

為項為脊為龜下為鬣鬣上為髮際面居秦雍耳目口鼻幽冀

川蜀分左右背懸心關腦腹垂洛汭胃脫出納為汧為渭大河

大江經絡營衛大腸膀胱震澤壘濟青徐以降是為醜髀泄為

尾閭茫洋無際海洲萬國糞滓塵穢

中原為雄魁傑奇偉

江南為雌清楚嬌麗言其孕人物然也

物理論地者底也底之言著也陰體下著也其神曰祗祗成也

育生萬物備成也形有高下氣有剛柔物有巨細味有甘苦鎮

之以五岳積之以丘陵播之以四瀆流之以百川蓋氣自然之

體也發氣黃泉周伏回轉以生萬物也天之根本也地者其卦

曰坤其德曰母其神曰祗亦曰媪大而名之曰黃地祗小而名

之曰神州亦名后土 土地皆有形名而人莫察焉有龜龍

體有麟鳳貌有孺孺勢有斗升象有張舒形有塞閉容有隱真

之安有累卵之危有膏腴之利有塔壟之害此十形者氣勢之

始終陰陽之所極也 周禮大司徒辨五上之物生一曰山林動

曰丘陵動宜羽植宜穀四曰墳衍動宜介植宜莢五曰原隰動

宜贏植宜叢注阜栢栗膏楊柳穀李梅莢王棘叢萑蒹之類

為其肉三尺以上為糞三尺以下為地

東晉補亡詩曰漫漫方輿迴迴洪覆翰曰方輿地也宋玉大言

賦曰方地為輿圓天為蓋盧子諒詩疊疊圓象運悠悠方儀廓

晉書諸家地圖各不設分率又不考正準望或稱外方迂誕之

言不合事實今制地圖之體有六一曰分率以辯廣輪之度二

曰準望以正彼此之體三曰道里以定所由之數四曰高下五

曰方斜六曰迂直三者皆因地而制宜以校夷險之數有圖象

而無分率則無以審遠近之差有分率而無準望雖得之於一

隅必失之於他方有準望而無道里則施于山海絕隔之地不

能以相通有道里而無高下方斜迂直之校則徑路之數必與

遠近之實相違失準望之正矣此六者參而考之故雖有峻山巨海之隔絕域殊方之迴登降詭曲之因皆可得舉而定矣

祖約府內地忽赤如丹戴洋曰按河圖徵云地赤如丹血丸

丸當有下反上者恐有胡馬來飲淮水后果石勒騎大至攻城

大戰 劉毅論中正八損宜用土斷無復縣客注以土着之

例為土斷也土着謂着土地而有常居者縣讀曰懸懸寄客寓

也韓昌黎文浮寄孤懸之義博物志徐州人謂塵土為蓬塊吳人為埃塊應璩書光武與戴高有

撫塵之好

輿地志丹徒界內土堅緊如蠟故諺云生東吳死丹徒言吳多

產出可以攝生自奉養丹徒地可以莖也

世說王武子孫子荆各論其土地人物之美王云其地坦而平

其水淡而清其人廉且貞孫云其山巖巍以嵯峨其水泔滌而

揚波其人磊砢而英多

神仙傳費長房遇壺公有神術能縮地脉千里聚在目前放之

復如舊裴玄新語俗間有上公之神土不可動玄有五歲女孫卒得病詣市卜云犯土云即依方治之病即愈然後知

天下有神矣

集仙錄黃帝在位王母遣使乘白鹿集帝庭授以地圖舜在位

遣使獻白玉環及益地圖遂廣黃帝九州為十二州又獻三瑤

吹之以和八風

萬機論夫土地者百姓之所蹈也殊無兩形之致矣而談者強

為之異體地云者都大之名土者細屬之號國寧有地無土有

無地之處乎

書注地當陰陽之中能吐生萬物者土

隋圖經常山高邑縣房子城出白土細滑膏潤可以塗飾兼用之濯錦可致鮮潔一名赤石岡酈道元水經云白土細滑如膏可用濯錦色奪霜雪光彩鮮異潔于常錦俗以為美談言房子之續也抑亦蜀之濯錦江美歲貢其錦以充御府魏都賦織績

房子

南部新書天下貢賦惟長安縣貢土萬年縣貢水

唐天文志李淳風撰法象志北戒自積石負終南地絡之陰東及大華踰河茲雷首底柱王屋太行北抵常山之右乃東循塞垣至濊貊朝鮮是謂北紀所以限戎狄也南戒自岷山嶓冢負地絡之陽東及太華連商山熊耳外方桐栢自上洛南逾江漢攜武當荆山至于衡陽乃東循嶺徼達東甌閩中是謂南紀所以限蠻夷也故星傳謂北戒為胡門南戒為越門

唐書姜師渡既好溝洫所在必發衆穿鑿雖時有不利而成功亦多先是太史令傅孝忠善占星緯時人為之語曰傅孝忠兩

眼看天姜師渡一心穿地

開元二十八年春二月懷州武德武陟脩武三縣人無故食土云味美異於他先是武德期城村婦人相與採聚而言曰今米貴人饑莫為生活有老紫衣白馬從十人來過之謂婦人曰何憂無食此渠水傍土甚佳可食女試嘗之婦人取食味頗異遂失老父乃取其土至家伴其麵為餅餅甚美由是遠近競取之渠東西五里南北十餘步土并盡牛肅時在懷親過之

王海版圖之貳司會掌之土地之圖司書記之則天官之屬也形體之法遂人造之地事之圖土訓詁之則地官之職也春卿有小史外史掌其志夏卿有司險職方掌其圖至於邦國土地之圖地域廣輪之數載在司徒維見可睹

遼史遼太祖皇后述律氏嘗至遼土二河之會有女子乘青牛

車倉卒避路忽不見未幾童謠曰青牛姬曾避路蓋言謂地祇為青牛姬云

清異志汾晉村野間語曰欲作千箱主問取黃金母意謂多稼厚畜由耕所致也汴老圃紀生一鉏庇三十口病篤呼子孫戒曰此二十畝地便是青銅海也

漢書地理志漢興因秦制度崇恩德行簡易以撫海內至武帝

攘卻胡越關地斥境南置交阯北置朔方之州并徐梁幽并夏

周之制改雍曰涼改梁曰益凡十三部置刺史先王之迹既遠

地名又數改易是以采獲舊聞考迹詩書推表三川以綴禹貢

周官春秋下及戰國秦漢焉

京兆尹故秦內史高帝更渭南郡武帝分為右內史太初更名京兆尹

長安

新豐 船司空 藍田 華陰 鄭 湖 下邳 南陵 奉

明 霸陵 杜陵

左馮翊故秦內史高帝更河上郡武帝分為左內史太初更名左馮翊

高陵

櫟陽 程道 池陽 夏陽 衙 栗邑 谷口 蓮勺 鄜

頻陽 臨晉 重泉 郃陽 祓初 武城 沈陽 襄

德懷 徵 雲陵 萬年 長陵 陽陵 雲陽

右扶風故秦內史高帝更中地郡武帝分為右內史更主爵都尉右扶風

渭城

槐里 鄂 藍屋 鞏 郁夷 美陽 郿 雍 漆 柁

邑 踰櫟 陳倉 杜陽 汧 好畤 號 安陵 茂陵

平陵 武功

弘農郡武帝元鼎四年置

弘農 盧氏 陝 宜陽 緄

池 丹水 新安 商 析 陸渾 上雒

河東郡置秦

安邑 大陽 猗氏 解 蒲反

河北 左邑 汾陰 聞喜 濩澤 端氏 臨汾 垣 皮

氏 長脩 平陽 襄陵 彘 楊 址 屈 蒲子 絳 狐

譙 騏

太原郡置秦

晉陽 後人 界休 榆次 中都

于離 茲氏 狼孟 鄆 孟 平陶 汾陽 京陵 陽

曲 大陵 原平 祁 上艾 慮 虜慮夷 陽邑 廣武

上黨郡置秦

長子 屯留純 余吾 銅鞮 沾

涅氏 襄垣 壺關 泫氏 高都 潞 騎氏 陽阿 穀

遠

河內郡高帝二年更名

懷 汲 武德 波 山陽 河

陽州 共 平臯 朝歌 脩武 温 壄王 獲嘉 軹

沁水 隆慮 蕩陰

河南郡故秦三川郡高帝更名雒陽

雒陽 滎陽 偃師

京 平陰 中牟 平 陽武 河南 緹氏 卷 原武

鞏 穀成 故市 密 新成 開封 成臯 苑陵 梁

新鄭

東郡秦置

濮陽 畔觀 聊城 頓丘 發干

范 莊平 東武陽 傅平 黎 清 東阿 離狐 臨邑

利苗 須昌 壽良 樂昌 陽平 白馬 南燕 廩丘

陳留郡武帝元狩元年置

陳留 小黃 成安 寗陵

雍丘 酸棗 東昏 襄邑 外黃 封丘 長羅 尉氏

雋 長垣 平丘 濟陽 浚儀

潁川郡秦置 陽翟 昆陽 潁陽 定陵 長社

新汲 襄城 鄆 郟 舞陽 潁陰 密高 許 雋陵

臨潁 父城 成安 周承休 陽城 綸氏

汝南郡高帝置 平輿 陽安 陽城 滎彊殷

富波 女陽 鮦陽 吳房 安成 南頓 朗陵 細陽

宜春 女陰 新蔡 新息 濯陽 期思 慎陽 慎 召

陵 弋陽 西平 上蔡 滍 西華 長平 宜祿 項

新鄴 歸德 新陽 安昌 安陽 博陽 成陽 定陵

南陽郡秦置 宛 犍 杜衍 鄴 育陽 博山

涅陽 陰 堵陽 雒 山都 蔡陽 新野 筑陽 棘

陽 武當 舞陰 西鄂 穰 鄆 安眾 冠軍 比陽

平氏 隨 葉 鄧 朝陽 魯陽 春陵 新都 湖陽

紅陽 樂成 博望 復陽

南郡秦置高帝改臨江郡後復故 江臨 臨沮 夷陵 華容

宜城 郢 郢忌 當陽 中廬 枝江 襄陽 編 穉

歸 夷道 州陵 若 平 高成

江夏郡高帝置屬荊州 西陵 竟陵 西陽 襄 邾

軼大 鄂 安陸 沙羨夷 蘄春 鄆萌 雲杜 下雒

鍾武

廬江郡故淮南 舒 居巢 龍舒 臨湖 雩婁

襄安 樅陽 尋陽 瀟潛 皖 湖陵邑 松茲

九江郡秦置高帝四年更名爲淮南國

壽春邑 浚適 成德

蒙臯 陰陵 歷陽 當塗 鍾離 合肥 東城 博鄉

曲陽 建陽 全椒 阜陵

山陽郡故梁景帝中六年別爲山陽國 昌邑 南平陽 成武

湖陵 東緡 方輿房 蒙 鉅野 單父善 薄 都關

城都 黃 爰戚 郟成 中鄉 平樂 鄭 瑕丘 留鄉

采鄉 曲鄉 西陽

濟陰郡故梁景帝中六年別爲濟陰國 定陶 寃句劬 呂都 葭

密 成陽 鄆城 句陽鈞 柘如 乘氏

沛郡故秦泗水郡 相 龍亢 竹 穀陽 蕭 向

鉅 廣戚 下蔡 豐 鄆多 譙 蘄 埭貞 輒與

山桑 公丘 符離 敬丘 夏丘 汶肴 沛 芒 建成

城父 建平 鄆 采 扶陽 高 高柴 溧陽 平阿

東鄉 臨都 義成 祁鄉

魏郡高帝置 鄆 館陶 斥丘 沙 內黃 清淵

魏 繁陽 元城 梁期 黎陽 卽裴非 武始 邯會

陰安 平恩 邯溝 武安

鉅鹿郡秦置屬冀州 鉅鹿 南絲 廣阿 象氏 慶

陶 冢子 楊氏 臨平 下曲陽 貫 邯 新市 堂陽

安定 敬武 歷鄉 樂信 武陶 柏鄉 安鄉

常山郡高帝置 元氏 石邑 桑中 靈壽 蒲吾

上曲陽 九門 井陘 刑 房子 中丘 封斯 關 平

棘 郟 樂陽 平臺 都鄉 南行唐

清河郡高帝置 清陽 東武城 繹幕 靈 厝

郟高帝置 貝丘 信成 惣題莎 東陽 信鄉 繚 棗 疆

復陽

涿郡高帝置 涿 迺 穀丘 故安 南深澤

范陽 蠡吾 容城 易 廣望 鄭 高陽 州鄉 安平

樊輿 成 良鄉 利鄉 臨鄉 益昌 陽鄉 西鄉

饒陽 中水 武垣 阿陵 阿武 南郭 新昌

勃海郡高帝置 浮陽 陽信 東光 阜城 千

臺 重合 南皮 定 章武 中邑 高成 高樂 參戶

成平 柳 臨樂 東平舒 重平安次 脩市條 文

安 景成 東州 建成 章鄉 蒲領

平原郡高帝置 平原 鬲 高唐 重丘 平昌

羽 般 樂陵 祝阿 瑗 阿陽 濩陰 柅力 富平

安惠德 合陽 樓虛 龍頷 安

千乘郡高帝置 千乘 東鄒 涇沃 平安 博昌

蓼城 建信 狄 琅槐 樂安 被陽 高昌 繁安

高宛 延鄉

濟南郡故齊文帝十六年別為濟南國 東平陵 鄒 平臺 梁

鄒 土鼓 於陵 陽丘 般陽 管姦 朝陽 歷城 獍

著 宣成

泰山郡高帝置屬兗州 奉高 博 荏 盧 肥城

蛇丘 剛 柴 蓋 梁父 東平陽 南武陽 萊蕪 鉅
平 羸 牟 蒙陰 華 寧陽 樂丘 富陽 桃山 桃

鄉式

齊郡 秦置

臨淄 昌國 利 西安 鉅定 廣

廣饒 昭南 臨朐 助 北鄉 平廣 臺鄉

北海郡 景帝中二年置屬青州

營陵 劇魁 安丘 執

執 淳于 益 平壽 劇 都昌 平望 平的 柳泉

壽光 樂望 饒 斟 桑犢 平城 密鄉 羊石 樂都

石鄉 上鄉 新成 成鄉 膠陽

東萊郡 高帝置屬青州

掖 膳 平度 黃 臨朐 曲

成 牟平 東牟 愷 堅 育犁 昌陽 不夜 當利 盧

鄉 陽樂 陽石 徐鄉

琅哪郡 秦置

東武 不其 基 海曲 贛榆 朱

虛 諸 梧成 靈門 姑幕 虛水 臨原 琅邪 祓 廢

柜 鉞 却 夫 雩段 黔陬 雲 計斤 稻 臯虞

平昌 長廣 橫 東莞 魏其 昌 茲鄉 箕 裨 高

廣 高鄉 柔 卽來 麗 武鄉 伊鄉 新山 高陽

昆山 參封 折泉 博石 房山 慎鄉 駟望 安丘

高陵 臨安 石山

東海郡 高帝置

郟 蘭陵 襄贛 肥 下邳 良

成 平曲 戚 胸 開陽 費 秘 利成 海曲 蘭祺

繪 南成 山鄉 建鄉 卽丘 祝其 臨沂 厚丘 容

丘 東安 合鄉 承證 建陽 曲陽 司吾 于鄉 平

曲 都陽 陰平 郟鄉 武陽 新陽 建陵 昌慮 都

平 臨淮郡武帝置 徐 取慮 淮浦 盱眙 朐猶

仇 僮 射陽 開陽 贅其 高山 睢陵 鹽瀆 淮陰

淮陵 下相 富陵 東陽 播旌 西平 高平 開陵

昌陽 廣平 蘭陵 襄平 海陵 輿 堂邑 樂陵

會稽郡秦置高帝為荆國更名吳景帝改今名 吳 曲阿 烏傷

毗陵 餘暨 陽羨 諸暨 無錫 山陰 丹徒 餘姚

婁 上虞 海鹽 剡 由拳 大末 烏程 句章 餘

杭 鄞 錢唐 鄭 富春 冶 回浦

丹陽郡故鄞國武帝更名今屬揚州 宛陵 於謖潛 江乘

春穀 秣陵 故鄣 句涇 丹陽 石城 湖孰 陵陽

蕪湖 黟 溧陽 歙 宣城 南昌 廬陵 彭澤 鄱陽 歷陵

豫章郡高帝置 餘汗 柴桑 艾 贛 新淦 南城 建城 宜春 海

昏 雩都 鄒陽 南楚 安平 柳 臨武 便 南平 來陽 桂

桂陽郡高帝置 陽山 曲江 含淮 涇陽 陰山

武陵郡高帝置 索 孱陵 臨沅 沅陵 鍾成

無陽 遷陵 辰陽 酉陽 義陵 佷山恒 零陽 充

零陵郡武帝置 零陵 營道 始安 夫夷 營浦

也集卷一

三

章

都梁 冷道 泉陵 洮陽 鍾武

漢中郡秦置 西城 旬陽 南鄭 褒中 房陵

安陽 成固 沔陽 錫 武陵 上庸 長利

廣漢郡高帝置 梓潼 什方 涪 雒 縣竹 廣

漢 葭明萌 郾 新都 旬氏道 白水 剛氏道 陰平

道 蜀郡秦置 成都 郫 繁 廣都 臨邛 青衣

江原 嚴道 縣虎 旄牛 徙 湔氏道 汶江 廣柔

蠶陵 犍為郡武帝開 犍道 江陽 武陽 南安 資中

符 牛鞞 南廣 漢陽 郁郾 朱提是 堂琅

越巂郡武帝開 邛都 遂久 靈關道 臺登定

祚 會無 祚秦 大祚 姑復 三絳 蘇示祗 闌 卑

水 濔街 青蛉 滇池 雙柏 同勞 銅瀨 連

益州郡武帝開 然 俞元 收靡 穀昌 秦城 邪龍 味昧 昆澤 葉

揄 律高 不常 雲南 嵩唐 弄棟 比蘇 賁右 母

椽 勝休 建伶 來唯 故且蘭 罽封 篋 漏卧 平夷

牂柯郡武帝開 同竝 談拒 宛温 母歛 夜郎 母單 漏江 西隨

都夢 談橐 進桑 句町是 江州 臨江 枳 閬中 墊江

巴郡秦置屬益州

胸忍 安漢 宕渠 魚復腹 文國 涪陵浮

武都郡武帝置 武都 上祿 故道 河地 平樂道

沮 嘉陵道 循成道 下辨道

隴西郡秦置 狄道 上邽 安固 氐道 首陽

予道 大厦 羗道 襄武 臨洮 西

金城郡昭帝六年羊置 允吾鈐 浩亶門 令居 枝楊

金城 榆中 枹罕 白石 河關 破羗 安夷 允街

臨羗

天水郡武帝置 平襄 街泉 戎邑道 望垣 罕

开 緜諸道 阿陽 略陽道 箕 勇士 成紀 清水

奉 隴 獬道完 蘭干

武威郡故匈奴休屠王地武帝開 姑臧 張掖 武威 休屠

橋次子 鸞鳥 樸剌蒲 媼圍 蒼松松 宣威

張掖郡故匈奴昆邪王地武帝開 麟得鹿 昭武 刪丹 氐池

屋蘭 曰勒 驪軒虞 番和盤 居延 顯

酒泉郡武帝開 祿福 表是 樂涇 天依衣 玉門

會水 池頭 綏彌 乾齊

敦煌郡武帝分酒泉置 敦煌 冥安 效穀 淵泉 廣至

龍勒

安定郡武帝置 高平 復累 安俾 撫夷 朝

那 涇陽 臨涇 鹵 烏氏 陰密 安定 參絲 三水

陰槃 安武 祖厲賴 爰得 朐卷向 彭陽 鶉陰

月氏道

北地郡秦置

馬領 直路 靈武 富平 靈洲

响衍照

方渠 除道 五街 鶉孤 歸德 回獲 路畔

道 泥陽

郁郅 義渠道 弋居 大夏要 廉

上郡秦置

膚施 獨樂 陽周 木禾 平都

淺水

京室 洛都 白土 襄洛 原都 漆垣 奢延

雕陰

推邪 楨林 高望 雕陰道 龜茲丘 定陽 高

奴 望松 宜都

西河郡武帝置

富昌 騶虞 鷓澤 平定 美

稷 中陽

樂街 徒經 臯狼 大成 廣田 園陰 益

鴈門

蘭 宣武 干章 增山 園陽 廣衍

武車

虎猛 離石 穀羅 饒 方利 隰成 臨水

土軍

西都 平陸 陰山 靦是倪 博陵 鹽官

朔方郡武帝開

三封 朔方 脩都 臨河 呼適

蘇渾

渠揆 沃壑 廣牧 臨戎

五原郡秦九原郡武帝更今名

九原 固陵 五原 臨沃

文國

河陰 蒲澤 南興 武都 宜果 曼柏 成宜

稠陽

莫黜世切 西安陽 河目

雲中郡秦置

雲中 咸陽 陶林 楨陵 犢和

沙陵

原陽 沙南 北興 武泉 陽壽

定襄郡高帝置

成樂 桐過 都武 武進 襄陰

武臯

駱 安陶 武城 武要 定襄 復陸

鴈門郡秦置

善無 沃陽 繁峙 中陵 陰館

樓煩 武州

注陶

劇陽 崞郭 平城 埽 馬邑

疆陰

代郡秦置

桑乾 道人 當城 高柳 馬城 班

氏 延陵 行氏精權

且如 平邑 陽原 東安陽 參合

平舒 代 靈丘 廣昌 鹵城

上谷郡秦置

沮陽 泉上 潘 軍都 居庸 雖

晉無 夷輿

寧 昌平 廣寧 涿鹿 且居 女祁 茹

下落

漁陽郡秦置

漁陽 狄奴 路 雍奴 泉州 平

谷 安樂 庠奚

獮平鞏 要陽 白檀 滑鹽

右北平郡秦置

平剛 無終 石城 廷陵 俊靡

蕢 徐無 字 土垠 白狼 夕陽 昌城 驪成 廣

成 聚陽 平明

遼西郡秦置

且慮 海陽 新安平 柳城 令支

肥如 賓從 交黎 陽樂 孤蘓 徒河 文成 臨渝

紫

遼東郡秦置

襄平 新昌 無慮 望平 房 候

城 遼隊 遼陽 險瀆 居就 高顯 安市 武次 平

郭 西安平 文 番汗 沓氏

玄菟郡武帝開

高句驪 上殷台 西蓋馬

樂浪郡武帝開

朝鮮 誦邯男 涇水 含資

黏蟬提 遂成 增地 帶方 駟望 海冥 列口 長岑

屯有 昭明 鏤方 提奚 渾彌 吞列 東曉 不而

蠶台 華麗 邪頭昧 前莫 夫租

南海郡秦置 番禺 博羅 中宿 龍川 四會 揭

陽

鬱林郡故秦桂林郡屬尉 布山 安廣 阿林

廣鬱 中留 桂林 潭中 臨塵 定周 增食 領方

雍雞

蒼梧郡武帝開 廣信 謝沐 高要 封陽 臨賀

端谿 馮乘 富川 荔浦 猛陵

交趾郡武帝開 羸樓 安定 荀扇 麓冷嶼 曲易

北帶 稽徐 西干 龍編 朱蕞

合浦郡武帝開 徐聞 高涼 合浦 臨允 朱盧

九真郡武帝開 胥浦 居風 都龐 餘發 咸驩

無切 無編

日南郡故秦象郡 朱吾 比景 盧容 西捲 象

林

趙國故秦邯鄲郡 邯鄲 易陽 柏人 襄國

廣平國武帝置 廣平 張 朝平 南和 列人

斥章 任 曲周 南曲 曲梁 廣鄉 平利 平鄉 陽

臺 廣羊 城鄉

真定國武帝置 真定 藁城 肥羸 縣曼

中山國

高帝為郡
景帝改國

盧奴

北平

北新成

唐

深澤

苦陘

安國

曲逆

望都

新市

新處

母極

陸成

安險

信都國

景帝為廣川國
宣帝改今名

信都

歷

扶柳

辟陽

南宮

下博

武邑

觀津

高隄

廣川

樂鄉

平隄

桃

西梁

昌成

東昌

脩

河間國

故趙文帝
別為國

樂成

候井

武隧

弓高

廣陽國

高帝燕國宣
帝改今名

薊

方城

廣陽

陰鄉

甯川國

故齊文帝
別為國

劇

東安平

樓鄉

膠東國

故齊高帝
別為國

卽墨

昌武

下密

壯武

郁

秩挺

觀陽

鄒盧

高密國

故齊文帝別為膠
西國宣帝更今名

高密

昌安

石泉

夷

安成鄉

城陽國

故齊文帝
別為國

莒

陽都

東安

慮

淮陽國

高帝
置

陳

苦

陽夏

寧平

扶溝

固始

新平

柘

梁國

故秦碭郡高
帝更為今名

碭

甯

杼秋

蒙

已氏

下邑

睢陽

東平國

故梁國景帝為濟
東國宣帝改今名

無鹽

任城

東平

陸

富城

章

亢父

樊

魯國

故秦薛郡高
帝為今名

魯

卞

汶陽

蕃

騶

楚國

高帝置宣帝為彭
城郡後改今名

彭城

留

梧

傅陽

呂

武原 留丘

泗水國 故東海郡武帝更名為今名

凌 泗陽 于

廣陵國 高帝屬荊州景帝更江都武帝今名

廣陵 江都 高郵 平

安

六安國 故楚高帝別為衡山國屬淮南武帝元狩更今名

六 蓼 安豐

安風 陽泉

長沙國 秦郡高帝更今名

臨湘 羅 連道 益陽 下

雋 攸 收

鄱 承陽 燕

湘南 昭陵 茶陵 容陵 安

成

本秦京師為內史分天下作三十六郡漢興以其郡太大稍復開置又立諸侯王國武帝開廣三邊故自高祖增二十六文景

各六武帝二十八昭帝一訖於孝平凡郡國一百三縣邑千三百一十四道三十二侯國二百四十一地東西九千三百二里南北萬三千三百六十八里提封田一萬萬四千五百一十三萬六千四百五頃凡民函五常之性而其剛柔緩急音聲不同繫水土之風氣故謂之風好惡取舍動靜亡常隨君上之情欲故謂之俗孔子曰移風易俗莫善於樂言聖王在上統理人倫必移其本而易其末此混同天下壹之序中和然後王教成也宋沈約州郡志地理參差其詳難舉寔由名號驟易境土屢分或一郡一縣割成四五四五之中函有離合今以班固馬彪二志太康元康定戶王隱地道晉世起居永初郡國何徐州郡及地理雜書互相考覆且三國無志事出帝紀雖立郡時見而置

縣不書今唯以續漢郡國校太康地志參伍異同用相徵驗

羣書考索黃帝受命始畫野分州得百里之國萬區顓頊所建

帝嚳受之是以制萬國而建九州冀州帝都八則充青徐揚荆

豫梁雍也堯遭洪水使禹平水土為九州如舊晉志云昔在帝堯制八家為鄰

三鄰為朋三朋為里五里為邑十邑為都十都為師州十有二焉帝舜攝位分為十二州故虞

書云肇十有二州折冀為幽并折青為營夏后氏又為九州塗山之會亦

云萬國九州之內作為五服天子之國內五百里甸服百里

甸服外五百里侯服百里采二百里納結服四百里粟五百里

里綏服三百里揆文教二百里奮武衛綏服外五百里要服三百里荒服三百里蠻二百里流湯制爵祿公侯伯子男凡五等

四海之內九州州方千里建百里之國三十七十里之國六十

五十里之國百有二十九二百一十國天子之縣內百里之國

九七十里之國二十一五十里之國六十三凡九州千七百七

十三國五國為屬屬有長十國為連連有帥三十國為卒卒有

正二百一十國為州州有伯八伯谷以其屬屬於天子

之若二人分天下為左右曰二伯天子周既克殷改禹徐梁二

使其大夫為監監於方伯之國國三人州合於雍青分冀州地以為幽并分天下為九畿方千里曰王

畿其外曰侯畿各五百里又外曰甸服又外曰男服又外曰采服又

外曰衛服又外曰蠻服又外曰夷服又外曰鎮服又外曰蕃服

兄弟之國十有五人姬姓之國四十人爵五品而土三等蓋千

八百國其後諸侯相并有千二百國見於春秋者百二十四國

蠻夷戎狄不在其數所定躔次總標十二鄭宋晉吳衛秦齊陳

楚蔡杞燕陵夷至戰國天下分而為七秦韓魏趙燕齊楚始皇

初并天下懲艾戰國削罷列侯分天下為三十六郡東三川南陽

南郡	九江	鄆郡	會稽	潁川	碭郡	泗水	薛郡
東郡	琅邪	齊郡	上谷	漢陽	北平	遼東	遼西
代郡	鉅鹿	邯鄲	上黨	太原	雲中	九原	鴈門
上郡	隴西	北地	漢中	回郡	蜀郡	黔中	長沙

與內史為三十六郡又平取百粵置閩中南海桂林象郡凡四十郡郡各領縣縣萬戶以上為令減萬戶為長郡置一守一丞兩尉以典之置侍御史掌監諸郡漢興因秦制度復立諸侯王國武帝

開地斥境南置交趾北置朔方改雍曰涼改梁曰益凡十三部曰豫冀兗徐青荆揚益涼幽交併交趾朔方凡十三部置刺史

晉志秦惠王滅蜀置郡漢初有漢中巴蜀武帝平西南夷更置犍為牂牁越雋益州四郡遂置益州統焉益州蓋始此又涼州志周衰其地為狄後以地歸漢漢置張掖酒泉燉煌武威金訖城謂之河西五郡改周之雍為涼蓋以地處西方常涼也

於孝平凡郡國一百一十一縣邑千三百一十四光武中興郡國蕭條并省者六城陽 淄川 高密 廣陽省州牧復為刺史員十

三人各掌一州明帝置一永昌章帝置二仁城 吳都和順改作其名有九省朔方刺史合之於司隸凡十二部而郡國百有八焉晉武

既平孫氏增置郡國二十有三省司隸置司州別立梁秦寧平四州仍吳之廣州凡九州司兗豫荆徐揚青幽平并雍涼秦

梁益寧交廣州百五十有六縣千一百有九隋煬帝改州為郡仍置司隸刺史分部巡察後平吐谷渾更置四郡大凡郡百九

十縣千二百五十五唐貞觀初并省州縣始於山河形便分為十道曰關內河南河東河北山南隴右淮南江南劍南嶺南道

開元二十一年又因十道分山南江南為東西道增黔中道及京畿都畿置十五採訪使檢察非法如漢刺史之職於邊境置

節度經畧使郡府三百二十八縣千五百七十有三宋太宗分

天下為十五路仁宗折為十八路神宗元豐頒行曾肇王存等撰九域志總二十三路曰京東東西曰京西南北曰河北東西曰河東曰陝西二路曰兩浙二路曰淮南東西曰江南東西曰荆湖南北曰成都等四路曰福建曰廣南東西

一統志元氏內立中書省一以領腹裏諸路外立行中書省十以領天下諸路

古豫宋東京南京曹單毫號陝及京西路徐滑郢金房信陽之地

古兗宋北京滑濮濟鄆恩德博濱棣滄汾乾寧永靜之地

古青宋齊青海維密登萊及遼東之地

古徐宋宿泗滁沂

淮陽漣海之地並屬京西南地分河北東西京東東西路在漢亦交豫州徐青等州二十九郡國之地在晉豫兗司等州六郡即古之豫司兗青冀等州九郡即古之兗徐揚豫州四郡即古

之徐青平等州四郡即古之青唐之河南道

古冀宋淮安保

定潞莫深洛磁相西南盡河之地屬河東河北東西路在漢冀

德司磁幽并等州十郡國之地冀參幽州德司隸幽冀等州二

十郡在晉即幽司冀平等州列郡在唐冀為河東道冀參古幽

為河北道也

古雍宋永興河之西渭之北岷洮西北至瓜沙

之地屬鄜延等五路在漢司隸涼秦秦等州十二郡之境在晉

即司雍秦涼等州諸郡唐之關內道

古梁宋疊宕階成鳳商

金房及四州陰施黔之地屬成都等四路

古荆宋施黔黃郢

信陽陽分興國及荆湖以西之地屬荆南北路在漢古荆參梁

即司隸荆涼益等九郡之地古雍參梁即涼州八郡之地在晉

荆得荆州五郡之地梁得秦雍梁益荆等州之地在唐梁為劍

南道分荆梁為山南道分梁雍為隴右道 古揚州宋潮州及

福建路浙淮南滁宿亳黃泗漣海之地屬淮南南東西江南東西

兩浙福建等路在漢即豫荆揚等州八郡國之境在晉即揚州

五郡唐之淮南道 古揚之南境宋廣南東西路漢交州九郡

之地晉交廣等州列郡唐之嶺南道 古揚之北境宋兩浙江

南東西淮南西荆湖南路漢荆揚州千郡國晉荆揚等州列郡

唐之江南道

輿地之難考者或沿其地而易其名或襲其名而遷其地或亦

遷其地而革其名河東一名也有兖州之河東有并州之河東

黃河舊道三代以前自宋衛之黎陽縣境折而北流故北京及

河北東路諸州在河之東即古兖州之域故周禮職方河東曰

兖州自周定王時黃河舊道漸以湮塞秦漢以還河堤屢壞乘

上游之勞決而東下故兖州之域隔在河北而河東之名乃移

在并 河西一名也有雍州之河西有涼州之河西 戰國之際所

指鄜坊丹延之間而言在雍州之域也西漢以 河南一名也有

來所稱河西地即指河湟而言古涼州之域也 中土之河南有邊境之河南河北一名也有中國之河北有夷

狄之河北 三代以前河南之稱止在中土秦漢而下奪匈奴南

稱止在中國李唐之初夷狄突奔 加之百王疆理代有不同有

之地悉為郡縣亦名之曰河北 指一郡而言者有指一州而言者有指一道而言者 如中土河

古一名而兩漢河南之稱唯指一郡而言即宋西京屬縣兼鄭

孟二州之境而已姬周河南之稱則指一州而言唯宋東西二

京及京西南北路之地李唐河南之稱則稱一道而 故周之河

言包古青徐兗豫四州之境奄黃河以南皆是也 內異乎漢之河內 周禮職方河內曰冀州即宋河北東西路 漢

之河東異乎唐之河東 漢河東郡即宋河中府及慈隰晉絳 古

之淮北乃今之淮南 宋宿亳二州自開國以來至于 而今之河

李唐皆在淮北宋乃移屬淮南

北乃古之河東

宋朝河東路之地三代以前屬河東

以至淮西一名也有在京

東有在京西

淮道自西而東時折而北

江西一名也有在江址

有在江南

江道自西而東時折而北

江南一地也有稱江左有

稱江右

金陵居長江下流前朝有江南者皆都之據金陵而言則江南居左四瀆之流皆自西而東天下之形勢亦然

以中原而言則江南之

山東亦一名也有指河南而言者有指

河北而言者

前史有山東之稱者皆據華山而言之其地正當河南而稍及河北之近河南者至杜牧之罪言則

所指山東之地專指河北而言也

陝西亦一地也虞夏曰雍州商周曰西土春

秋為秦國戰國稱關中楚漢之際謂之三秦兩漢又名山西宋

列為州郡之名多有異於古之國號如書稱河亶甲居相即今

之相州也春秋衛侯燬滅邢即今之邢州也楚子入陳即今之

陳州也齊師滅萊即今之萊州也楚子圍鄭即今之鄭州新鄭

縣也齊侯侵蔡即今蔡州之上蔡縣也蓋履其地不敢沒其名

也然而遷徙不常考證或踈至有已非其地而空存其名者如

春秋吳師入郢近於今之郢州而非也右郢城在今之荆南府

秦師入滑近於今之滑州而非也古滑國在今西京偃師縣之

楚人滅舒近於今之舒州而非也古舒國今在廬州之舒

滅黃近於今之黃州而非也古黃國今在邢州定城楚人伐徐

近於今之徐州而非也古徐州臨淮縣之傳稱允姓

之戎居于瓜州近於今之瓜州而非也古瓜州地在今沙州有

西亳南亳北亳而皆非今之亳州也西亳今在京西偃師縣南

東亳在東京穀熟縣北亳在有東虢西虢南虢而皆非今之虢州也東虢在今鄭州

城縣有東楚西楚南楚而皆非今之楚州也東楚

鳳翔府虢縣南虢有東楚西楚南楚而皆非今之楚州也東楚

在南陵軍升陸縣有東楚西楚南楚而皆非今之楚州也東楚

在有東楚西楚南楚而皆非今之楚州也東楚

在有東楚西楚南楚而皆非今之楚州也東楚

在有東楚西楚南楚而皆非今之楚州也東楚

在有東楚西楚南楚而皆非今之楚州也東楚

州西楚今徐州南楚今荆南府其餘或名同於古則地改於今故古之酒泉在

河南而今之酒泉在河西左傳王與虢公酒泉之邑寔在河南而西漢而下迄于今有酒泉郡乃關

自奴之地寔在河西古之丹陽在荆南而今之丹陽在江東左傳稱楚子邑于丹陽在

今荆南府枝江縣內今丹陽郡乃潤州也古之豫章在江北今之豫章在江南而皆

吳楚之境也古之澶淵在河南而今之澶淵在河北而皆宋衛

之郊也春秋諸侯會于澶淵實宋故都所謂澶淵聚者即其地正屬今之幽州而今之澶淵郡乃河北東路之都督府

古之南陽在河北今之南陽在河南而皆晉地也左傳晉於是始啓南陽即

今之懷州也而今之南陽郡乃京西南路之鄭州也古之東陽在淮北今之東陽在浙西

而皆吳地也漢常以彰郡東陽郡行封今浙西在吳亦有東陽觀者於此幾何而不悞

哉

國都

大司徒以土圭之法測土深正日景以求地中日至之景尺有

五寸謂之地中天地之所合也四時之所交也風雨之所會也

陰陽之所和也然則百物阜安乃建王國焉制其畿方千里而

封樹之匠人營國方九里旁三門國中九經九緯經涂九

軌左祖右社面朝後市

左傳凡邑有宗廟先君之主曰都無曰邑邑曰采都曰城

公羊京師者何天子之居也京者何大也師者何衆也天子之

居必以衆大之辭言之釋名都者國君所居人所都邑猶危聚會之稱也王城

者何西周也成周者何東周也注河南即邲邲武王遷九鼎周

公營以為都是為王城洛陽周公所營下都以遷頑民是為成

周平王東遷之後所謂西周豐鄗也東周者洛都也威烈王以

後所謂西周者河南也東周者雒陽也何以稱河南為西周自洛陽下都視王城則在西也何以稱雒陽為東周自河南王城視下都則在東也

賈誼過秦論秦孝公據淆函之固擁雍州之地始皇踐華為城因河為池據億丈之城臨不測之淵以為固天下已定自以為

關中之固金城千里子孫帝王萬世之業也

鹽鐵論燕之涿薊趙之邯鄲魏之温

勃韓之滎陽齊之臨淄楚之宛丘鄭之陽翟二周之三川富冠海內皆為天下名都居五諸侯之衢跨街衝之路也

白虎通京師者千里之邑號也法日月之徑千里王制曰天子之田方千里或曰夏曰夏邑殷曰商邑周曰京師尚書曰率割夏邑謂桀也在商邑謂殷也

初學記高宗建東都詔曰朕聞踐華固德百二稱乎建魏卜洛

歸仁七百崇乎定鼎是以宅膏腴於天府啓黃圖於渭濱襟沃

壤於王城摘綠宇於河渚市朝之城麗皇州之九緯丹紫之原

邈神臯之千里二京之盛其來自昔此都中茲宇宙通賦貢於

四方交乎風雨均朝宗於萬國曲阜之規猶勤測圭之地載截

豈得宅帝之鄉獨稱都於四塞里王之邑匪建國於山川宜改

洛陽宮為東都

陸贄奏議今之關中即古邦畿千里之地也王業根本於是在

焉秦嘗用之以傾諸侯漢嘗因之以定四海蓋由憑山河之形

勝宅田里之上腴弱則內保一方當天之半可以養力俟時

也疆則外制東夏據域中之大可以蓄威昭德也 王畿者

四方之本也京邑者又王畿之本也其勢當令京邑如身王畿

如臂四方如指斯乃居重馭輕天子之大權也太宗列置府兵分隸禁衛大凡諸府八百餘所而在關中殆五百焉舉天下不敵關中則居重馭輕之意明矣

考索伏羲都陳今陳州神農亦都陳一曰曲阜今交州黃帝都涿鹿今幽州少昊都窮桑在魯北顓頊都高陽今濮陽州帝嚳都亳今偃師堯都

平陽今晉州舜都蒲阪今蒲州禹都安邑今蒲州案尚書五子之歌曰惟彼陶唐有此冀方言堯舜至禹及太康皆在冀州界少康中與而後還舊都湯都亳殷都有三亳穀熟為南亳即湯都蒙為北亳即景亳湯所盟地偃

師為西亳則至仲丁遷囂今河南河亶甲居相今相州祖乙居耿在河東及盤庚五遷復南都亳之殷地則西亳也周文王都豐武

王都鎬今京兆界周公相成王營洛邑今東都平王東遷乃居洛邑敬

王時又遷成周豐鎬為宗周洛邑為成周秦都咸陽西漢亦都咸陽今長安東漢都洛陽又於南陽置南都三國魏都譙併長安許昌洛陽為

五都吳都建鄴蜀都成都晉都洛陽至永嘉南居建康宋齊梁陳並居建康隋都長安煬帝遷洛陽唐都長安梁晉漢周皆居

汴宋都汴中興杭漢班孟堅西都賦漢之西都在於雍州實曰長安左據函谷二

嶠之阻表以太華終南之山右界褒斜隴首之險帶以洪河涇渭之川衆流之隈汧涌其西華實之毛則九州之上腴焉防禦

之阻則天地之隩區焉是故橫被六合三成帝畿周以龍興秦以虎視及至大漢受命而都之也仰悟東井之精俯協河圖之

靈奉春建策留侯演成天人合應以發皇明乃眷西顧實惟作

京於是睇秦嶺賊北阜挾豐灞據龍首圖皇基於億載慶作宏規而大起三輔皇圖秦皇兼天下都咸陽渭水貫都以象天漢橫橋南渡以法牽牛東都賦往

者王莽作逆漢祚中缺天人致誅六合相滅于時之亂生民幾亡鬼神泯絕壑無完樞邪罔遺室原野厭人之肉川谷流人之血秦項之災猶不克半書契以來未之或紀故下人號而上訴上帝懷而降監乃致命乎聖皇於是聖皇乃握乾符闡坤珍披

皇圖稽帝文赫然發憤應若興雲霆擊昆陽憑怒雷震遂超大河跨址嶽立號高邑建都河洛紹百王之荒屯因造化之蕩滌且夫僻界西戎險阻四塞脩其防禦孰與處乎土中平夷洞達萬方輻湊秦嶺九嶷涇渭之川曷若四瀆五嶽帶河汴洛圖書之淵建章甘泉館御列仙孰與靈臺明堂統和天人大液

昆明鳥獸之囿曷若辟雍海流道德之富游俠踰侈犯義侵禮孰與同履法度翼翼濟濟子徒習秦阿房之造天而不知京洛之利識函谷之可關而不知王者之無外

張平子西都賦漢氏初都在渭之涘秦望其朔寔為咸陽左有峭岫重險桃林之塞綴以二華巨靈顛負高掌遠蹠以流河曲厥跡猶存右有隴坻之隘隔閼華戎岐梁汧雍陳寶鳴鷄在焉於前則終南太一隆窟崔嵬隱赫鬱律連岡乎嶓冢抱杜含雲

故澧吐瀉爰有藍田珍玉是之自出於後則高陵平原據渭踞涇澶漫靡迤作鎮於近其遠則有九嶷甘泉涸陰沍寒日北至而含凍此焉清暑爾乃廣衍沃野厥田上上寔為地之與區神

皋高紀秦形勢之國也帶山阻河縣隔千里持戟百萬秦得百二焉地勢便利其下兵於諸侯譬猶居高屋之上建瓴水也

也集卷一

東都賦昔先王之經掩觀九隰靡地不營土圭測影
不縮不盈總風雨之所交以建玉城審曲面勢汧洛背河

左伊右瀍西阻九阿東門于旋盟津達其後太谷通其前廻行
道乎伊闕邪徑捷乎輶輳太室作鎮揭以熊耳底柱輟流鐔以

大岨南都賦於顯樂都既麗且康陪京之南居漢之陽割
周楚之豐壤跨荆豫而為疆體爽塏以開敞紛郁郁其難詳陽

郡治宛在京之南蜀荆州爾其地勢則武關關其西桐柏揭其東流滄浪而
為隍廓方城而為墉湯谷涌其後清水盪其冒推瀨引湍三方

是通盛弘之荆州記曰南陽郡城北有紫山紫山
左太冲蜀都賦天蜀都者盖兆基於上世開國於中古廓靈關

而為門包玉壘而為宇帶二江之雙流抗峨眉之重沮楊雄蜀

蜀王之先名蚕叢拍漢魚鳧水陸所湊蕪六合而交會焉豐蔚
所盛茂八區而菴藹焉於前則跨躡捷剏枕倚交趾經途所亘

五千餘里山阜相屬含谿懷谷罔巒糾紛觸石吐雲鬱蒼蓋以
翠微崖巍巍以峨峨干青霄而秀出舒丹氣以為霞龍池瀉瀑

瀆其隈漏江湫流瀆其阿汨若勝谷之揚濤沛若濛汜之涌波
若乃卓犖奇譎俶儻罔已一經神怪一締人理遠則岷山

之精上為井絡天帝運期而會昌景福躬蠶而興作躬蠶濕生
也其羣望之氣之布焉也言大碧出萇弘之血鳥生杜宇之魄

妄變化於非常羗見偉於疇昔近則江漢炳靈世載其英鬱若
相如矚若君平王褒曄曄而秀發楊雄含章而挺生幽思絢道

德摛藻揆天庭考四海而為雋當中葉而擅名是故游談者以

為美造作者以為程

吳都賦且有吳之開國也造自太伯

宣於延陵蓋端委之所彰高節之所興故其經畧上當星紀拓

土畫疆卓犖兼并包括于越跨躡蠻荆發女寄其曜翼軫寓其

精指衡岳以鎮野日龍川而帶垌爾其山澤則崑崙崆峒崦嵫

鬱第瀆滄泮汗溟渤淼漫或涌川而開瀆或吞江而納漢魄魄

魄魄澎澎泮泮礧礧乎數州之間灌注乎天下之半

伊茲

都之函弘傾神州而韞積仰南斗以斟酌兼二儀之優渥由此

而揆之西蜀之於東吳小大之相絕也亦猶棘林螢曜而與夫

尋木龍燭也否泰之相背也亦猶帝之懸解而與夫控柁疏屬

也山海經二負殺楔偷帝乃柁之疏屬之山柁其右足反縛兩

手漢宣帝時擊諸石於上郡陷得石室其中有反縛械人劉

向曰此二負之臣也帝曰何以知之以山海經對帝笑曰人生

稟命於天受拘柁之性憂虞終身不解此乃自終執縛為天所

庸可共世而論巨細同年而議豐确乎

魏都賦且魏主

者畢昴之所應虞夏之餘人先王之桑梓列聖之遺塵考之四

隈則八埏之中測之寒暑則霜露所均卜偃前識而賞其隆吳

札聽樂而美其風爾其疆域則旁極齊秦結奏冀道開胃殷衛

跨躡燕趙山林幽峽川澤迴遼恒碣礧礧於青宵河汾浩泮而皓

溱南瞻淇澳則綠竹純茂北臨漳滏則冬夏異沼神鉦迢遞於

高巒靈響時驚於四表鄴西北有鼓山上有石鼓之溫泉熖涌

而自浪華清華清井蕩邪而難老墨井鹽池玄滋素液厥田惟

中厥壤惟白是以兆朕振古萌祇疇昔藏氣識緯闕象竹帛迴

世代而淵默應朝運而光赫暨聖武之龍飛肇受命而光宅

宋周邦彥汴都賦惟此汴都禹畫為豫周封鄭地甯觸臨而上

直寔沈分以爲次惟蓬澤之固境昔合縻之所至芒碭渙渦截其面金堤玉渠累其脊雷夏灘沮繞其脇壘兵警婁夾其腴梁周帝據而糜沸唐漢君統而寧一固此王國襲固不徒恢斥甸域宏基融而壯址植九鼎立而四嶽位仰營域而體極立土由而測畧蜀險漢全荆惑閩鄙惟此中時不首不尾環睇賊於郡縣如岫嶺之迤邐觀其高城萬雉埤堦鱗接繚如長雲之方舒屹若崇山之礪礎坤靈因巔巔而跼踏土怪畏榨壓而妥貼靡胥不可縋而登爵鼠不可囓而穴利過百二嶮踰四塞鄙秦人之踐華陋荊州之却丹

考索長安便於守洛陽便於和大梁便於戰三京利害各有一偏故前王因其便利而都之也方其藩侯基布山河瓜分俾進足以制諸夏之蠻退足以保國宗社捨長安莫利也故宗周西漢繼宅西土勢或然也嬴秦隋唐踵卜長安仍以爲安也逮夫車書混一文教興行唯禮樂教化是遑而不以兵革戰伐爲事則捨洛陽莫便也故周成漢光定都成周誠得其宜也曹魏司馬晉踵卜洛陽仍以爲安也若乃戰守兩備宿重兵於京師強幹弱枝以鎮服夷夏而指縱英雄以赴其功名則捨大梁莫便也朱梁而下以迄于宋仍都大梁亦勢或然也然有其利必有其害不可不察長安之制以陝西爲畿輔而屏蔽實在隴右洛陽之制以關東爲畿輔而屏蔽實在河東大梁之制以河南爲畿輔而屏蔽實在河北故由古以來洛京之禍常起於并汾汴都之變常起於燕趙長安之難雖不常所自而河隴之寇尤爲

頰駭良由失其外屏也

一統志北京古幽薊之地左環滄海右擁太行北枕居庸南襟河濟形勝甲於天下誠所謂天府之國也遼金元雖常於此建都然皆以夷狄入主中國不足以當形勢之勝至我

太宗文皇帝乃龍潛於此及纘承大統遂建為北京而遷都焉禹貢冀州之域天文尾箕分野高陽氏謂之幽陵陶唐曰幽都虞為幽州夏殷省幽入冀又為冀州地周復置幽州武王封堯後于薊封召公奭于燕即此秦為上谷漁陽二郡地漢初為燕國又分置涿郡元狩中改燕國為幽州元鳳初改為廣陽郡本始初更為廣陽國東漢省廣陽合上谷永光初復立廣陽郡後罷郡立幽州治薊三國魏為燕國晉改范陽國後魏於薊立燕

郡又於郡置幽州北齊于幽州置東北道行臺後周改置燕及范陽二郡兼立總管于幽州隋開皇初郡廢州存後省州入涿郡唐武德初改為幽州總管府開元間改州為范陽郡乾元初復為幽州遼陞幽州為南京幽都府後改幽都為析津府宋宣和中改名燕山府尋復入金稱燕京改號中都以析津府為大興府元初為燕京路號大興府至元初建中都後改為大都路本朝洪武初改為北平府永樂初改為順天府

南京古金陵之地自周末時已有王氣始皇秦氏謂東南有天子氣諸葛亮謂龍蟠虎踞真帝王都即此地也吳晉宋齊梁陳及南唐雖嘗于此建都無功以當之僅保一隅不能混一天下至我

太祖高皇帝功德隆盛奄有四海乃定鼎于此為京師禹貢揚州之域天文斗分野春秋屬吳戰國屬越後屬楚楚威王初置金陵邑因其地有王氣埋金以鎮之故名始皇以金陵有都邑之氣改曰秣陵屬鄣郡漢改鄣郡為丹陽郡武帝後揚州刺史治此吳自京口徙都于此改為建業晉平吳改建業為秣陵尋分秣陵北為建業改業為鄴建興初改為建康東晉元帝復都此置丹陽郡宋齊梁陳因之隋平陳廢郡更于石頭城置蔣州唐武德初置揚州後復為蔣州又為揚州大都督府尋罷武德初置江寧郡乾元初改為昇州後廢復置五代時吳楊建大都督府尋改為金陵府又改為寧江府南唐李氏都之宋復為昇州仁宗陞為江寧府建康軍節度高宗改為建康府建行都置行宮留守元正元中改為建康路元貞初立江南諸道行御史臺天曆初改集慶路

本朝丙申年改為應天府

北京封域見上直隸府八州十九縣一百十六夏秋二稅米麥共五十八萬七千二百餘石太僕寺寄養馬三萬四千八百餘匹長蘆鹽運司額辦小引鹽一十八萬八百八引八十八斤都司萬全大寧二領衛六十二除在京錦承并上直七十二衛府軍衛府左右前後衛旗手衛羽林左右前衛金吾左右前後衛虎賁左右衛燕山左右前衛武驤騰襄左右大興左右衛等
 順天府古幽都廣陽燕京 附郭大興二十里 宛平五十二里 外良鄉三十里
 古固節極冲疲 固安三十二里古方城 永清十二里古益昌 東安八十里古燕山中衛
 有與州中衛 香河十里古縣解淳 通州三十二里古潞縣水陸衝
 古燕山地 濟瀆水 創通州衛左右 三河二十里古臨胙地民疲 武清二十里古縣水
 神武定邊四衛 寶坻三十里古盈州 昌平州三十七里古燕平
 錯鄆縣十里古鄆 陰衝瘠 昌平州陵寢重地極煩

也集卷一

六

九

兵備有戶部糧儲總兵順義場二十七古范密雲十九古檀州兵馬

中後衛懷柔十四古温陽涿州四十六古涿鹿極衝總督戶

寧古東保定六里古平蘄州十五古漁陽貢道煩疲有兵備戶

玉田七里古無終國次豐潤十二古永濟近邊海鹽遵化十二

川邊塞殘疲有巡撫總兵任劉平谷八里古縣近邊民

形勝山雄峙水環遶天府之國博大爽塏地處雄要

風俗沉鷲多才力重許可多感慨悲歌之士風俗樸茂

山川天壽山在府北一百里西山府西三十里積素疑華京師

飛兩瑤島春陰太液秋風盧溝曉月居香山府西北二大石

泉山府盧師山府西隋沙門盧師能仰山獨秀翠微妙高紫微

